

頌聖體前後詞

大中華民國三年十月第六版

領聖體前後誦

直隸張家口西灣子天主堂印



3 1773 9666 4

Cath. Mission Yenchowfu, Shantung


山東兗州府天主堂

MS
B976.1
835


大中華民國三年十月第六版

領聖體前後誦

中蒙古主教方准



宋德剛



領聖體前後誦

求領聖體祝文

維茲聖體領之何爲。耶穌聖身聖血。靈
魂無不俱備。聖父聖子聖神。允咸赫臨。
重罪之人。何容妄領。但吾主勸諭領者。
必獲天堂常生。又何敢不領。今我神糧
匱乏。力量虛微。願滌我心。願堅我德。慎
我言動。行我苦功。提正抑邪。心切神領。
庶幾鑑此微誠。不嫌愚蒙。特賜實領。臨

領聖體前誦



格我心。常存寵照。亞孟。

信德經

天地大君。救世者主。不棄我等卑污。願
進我心中。似此莫大榮施。我等如何敢
當。祇因耶穌聖言。堅確不移。故我實信
聖體中。即具當日降生於馬槽。後被釘
於十字架上之肉軀寶血。全全降臨。今
我目雖不見。較之所見更真。我信吾主
不離天堂。我信吾主亦寓麵形內。我信

吾主聖體光榮。充滿我心。我信吾主聖體。寵佑。增我神力。懇祈自今而後。結合我心。時時無間。永加我之信德。亞孟。

望德經

至仁至慈之主。救我靈魂。以爾尊貴之身。全全愛結於我。如是大恩。且無所吝。更有何恩。不願賜我。懇祈天主全智。永照我等罪人。我甚貧窮。望其濟我。我甚軟弱。望其扶我。我之心思念慮。易致搖

領聖體前誦

動望爾自今以後。堅我勵我。主持我心。
使我常聽主訓。行善至死。全賴吾主耶
蘇。基利斯督。允我所望。亞孟。

謙遜經

天地大君。至仁至慈之主。我固常望寵
佑。但我返心自問。真大罪人。真卑賤人。
物雖無功。亦無其罪。我爲物靈。反常得
罪。我實愧悔無地。焉敢輕領耶蘇至潔
之體。今惟賴主仁慈寬容。赦我諸罪。以

爾聖寵。賦於我之靈魂。俾我常遵主命。
克除傲念。效爾謙德。以後勉力爲善。再
不爲惡。迨至死期。庶得目覩天主之聖
容。亞孟。

小悔罪經


天主耶穌基利斯督。我重罪人。得罪於
天主。而今爲天主。又爲愛天主萬有之
上。一心痛悔我之罪過。定心再不敢得
罪於天主。望天主赦我之罪。亞孟。

領聖體前誦

三

情願經

吾真主。吾恩主。生養救贖吾儕。復願進
我心中。加我靈佑。我實愛慕至切。時常
想望。願得恭領聖體。以爲我心之託。我
罪之赦。我弱之助。我力之策。但我罪惡
至極。恐致褻瀆。今惟賴聖母瑪利亞。護
守天神。本名聖人。及一切天朝聖人。聖
女。以其勳勞。補我所行之缺。代我轉祈
聖父。罷德肋。以其所愛之子耶穌。結合



我心滿我所願。亞孟。

領聖體前誦

聖人若翰。自胎時爲聖。嘗謙言曰。罔敢
與主釋屣帶。聖伯多祿宗徒之長。尙曰。
吾主耶穌。當遠我。勿近我。我乃大罪人。
二大聖人。如此謙遜敬畏。我且如何。我
罪惡彌身。曷敢近主。主降世時。療痊龔
瞽瘡疾諸人。命死者復活。每與罪人。言
談坐食。我常得罪。猶如龔瞽瘡疾。如死

領聖體前誦

四

者然。求主療我活我。望賜聖體。但我罪人。何敢望領。因主昔有遺言曰。人若不領主聖體。罔能生活。乞賜領受。亞孟。

鐸德捧聖體時誦

卑污罪人。辱主降臨我心。曷以當之。伏惟吾主。特降一命。我心諸疾。必全愈矣。

領聖體時誦

祈望耶穌靈魂聖我。耶穌聖體救我。耶穌聖血淨我。

已領聖體祝文

我謝天主。我感天主。今日臨我胸中。比
死後援我升天。厥恩更親。厥功更大。我
今永時永日永歲。常憶天主。救贖之奇
愛。常思聖母敬供之隆情。常如三王來
朝之盛禮。周日存想。一生不變。庶得天
主。常存我心。常持我口。常保我身。亞孟。
敬拜經

吾主耶穌。以爾聖身。降我心中。我今俯

領聖體後誦

五

伏恭向敬拜爾恩。欽崇爾德。深謝爾以
全能變化。永留聖體大祭於人間。俾我
等常荷神佑。即合天朝神聖。天下人民
亦難報於萬一。懇求吾主耶穌。恕我卑
賤。補我虧缺。令我時發熱愛。仰慕天上
光榮。讚揚我主無對之尊。亞孟。

愛德經

吾主耶穌。以爾聖軀寶血。願作我等神
糧。耶穌聖心。愛我至切。我今以愛還愛。

以心體心。以後定志改遷。遵守規誡。補贖所犯罪過。至死不敢負恩負愛。懇求吾主耶穌。賜我熱愛之火。以熱我心。

亞孟。

感謝經


吾主耶穌。生我養我。救贖於我。今復斂其光榮。以爾尊貴之體。降臨我極汚心中。生活我之靈魂。我實感恩無盡。願同天下萬民。稱頌吾主之洪恩。亞孟。

領聖體後誦

六

祈求經

吾主耶穌。基利斯督。懇求耶穌之聖靈
佑我。懇求耶穌之聖身救我。懇求耶穌
聖傷之血。潔淨我。懇求耶穌之苦難聖
死。堅我。勵我。嗚呼。伏望仁慈之主。垂允
我禱。勿棄我。勿拒我。救我於諸仇諸惡。
凡我親戚友朋。亦求主加之聖寵神佑。
改邪歸正。迨至死後。俾我等獲覩天主
光榮。同諸天神聖人。常享永樂於無窮。



亞孟。

奉獻經

吾主耶穌。賜我聖身聖血。常存我心。我固時感時謝。但我罪人。無功無力。無可奉獻於主。懇求吾主耶穌。憐我直誠。納我所獻。我願將靈魂肉身。三司五官。全獻於主。奉獻明悟。願明天主奧理。奉獻記念。願想天主經言。奉獻愛欲。願常熱愛於天主。自今而後。獻我目。不觀非理。

領聖體後誦

七

之物。獻我耳。不聽非理之言。獻我口。不出非理之聲。獻我心。不動非理之念。統獻一身。願用恭敬天主。懇求吾主耶穌。加我神力神勇。亞孟。

領聖體後誦

至仁至慈天主。我受主無極恩惠。無可稱謝。我重罪多惡。思言行爲。無不得罪。身神污穢。主不但不罰我。更寬裕待我。肫切動我。悔恨前愆。改遷無怠。更忘我。

罪。容我近主。領主聖體。令我神內。得懷
上天下地。無比珍美。主在世時。凡誠心
近主。無不取益。適願。有罪者被化。改惡
遷善。病者獲愈。憂者獲慰。苦者獲安。愚
者獲明。今蒙主仁慈。得我罪之赦。我病
之愈。我憂之慰。我苦之安。我愚之明。主
在我心。爲我心主。求主常居。勿棄我。以
主聖意。爲我心志。庶恒懷主。須臾不離。
善生安死。偕主享主。至於無窮。亞孟。

領聖體後誦

感謝吾主耶穌。無價眞實神糧。賜助神力。免陷罪惡。易走天堂之路。


求神赦誦

永頌光顯。德能榮福。於凡受造之物。願歸至聖不可分之聖三。及耶穌基利斯督我等主。被釘十字架之人。性與至聖至榮。童貞聖母生育之胎。及天上一切天神聖人。我等望得諸罪之赦。世世。

亞孟。

全赦經

凡人領聖體後。在苦像跟前虔誦
此經。教宗比約第七位准得全赦



吁至慈善極甘
飴之耶穌。我今
跪伏爾前。我靈
最熱最切。祈求
爾望爾。將堅信
切望熱愛之真
情。及悲切痛悔

領聖體後誦

九

我罪定志。悛改之寔意。銘刻我心。而我
心極切極痛。默思仰望爾五傷之時。我
即念達味聖王口中論爾之預言。斯衆
鑽吾手。穿我足。數我諸骸骨。亞孟。

念天主經聖母經聖三光榮頌各五遍

24

813817

30

76.1